



# Die Rietstok

27<sup>ste</sup> Nuusblad van Streek Rietvallei

Junie 2014

Die eerste ryp het alreeds die gras en blare laat verkleur. Vanaand as die son sak, gooi ons maar 'n warm dingetjie oor die skouers. Ja die seisoen is verseker besig om te draai – die winter is hier. Sedert die vorige uitgawe het van ons die 2014 Presidente bygewoon, ander het die Seniorburgersaamtrek asook die Streeksaamtrek te Hartbeeshoek bygewoon. Hier is die seniors getrakteer deur 'n besoek aan ons “Rietvallei Teetuin” waar hul kon kies tussen tee of koffie asook 'n verskeidenheid soetgoed, bedien deur Rietvallei kelners. Tjaart en Amanda Fourie asook Dries en Elize Engelbrecht is ook voorgestel as ons nuwe lede, welkom julle. Daarna was Smal Game Lodge, 'n nuwe oord vir Rietvallei, aan die beurt. Hier het ons die langnaweek saam deurgebring met Jak en Jacqui Wagenaar en hul kerkgroep.

Ons wil ook aan die seniors baie dankie sê vir hul aktiewe deelname en sodoende ook sterkte toewens met Rietvallei se 3de toer, ter name die SENIORBURGER STREEKTOER - SWAZULU NATUURROETE wat sal plaasvind tussen 21 Julie en 17 Augustus 2014. Die roete gaan wees vanaf Pretoria, Badplaas, Swaziland, St. Lucia (Kwa-Zulu Natal) en dan afsluit te Bass Lake Pretoria in afwagting van ons Streek AJV.

Prat van AJV, ons beplanning is reeds aan die gang en ons versoek dus dat jul asseblief daardie naweek oophou vir kamp of dan ten minste die dag besoek af te lê en deel wees van die AJV. 2015 se jaarprogram is opgestel deur die bestuur nadat jul insette in ag geneem is - hierdie program sal dus op AJV voorgelê word. Nominasies vir bestuursposte sal ook ingewag word.

Soos altyd is alles nie altyd maanskyn en rose nie, en van ons lede het lief en erge leed gehad, ons dink aan julle en vertrou dit gaan reeds beter.

Weereens, voor ons afsluit, die gebruik van vooraf inbetalings raak nou 'n realiteit en oorde verlang weke voor 'n kamp depositos ter bevestiging van getalle. Ons as SAWA lede sal ook nou vorentoe ons koppe moet draai en met sorgvuldige beplanning ons kampnaweke ingedagte hou. Ons kan nie meer op kort kennisgewing saam wil kamp of dan kop uittrek nie. Natuurlik sal ons as bestuur nog steeds ons bes doen om almal te akkommodeer, maar die oord het soms maar die laaste sê. Dus kan en gaan dit gebeur dat ons as lede depositos of selfs volle bedrag verbeur as ons nie opdaag nie. Hierdie is ongelukkig die werklikheid wat vir ons, as privaat individue of dan selfs as SAWA lede, voortaan in die gesig sal staar. Rietvallei bestuur het vir solank as moontlik die voorafbetalings probeer vermy as in ag geneem word dat daar ander streke is wat dit al as jarelange gebruik het. Ons vra dus almal se vriendelike samewerking in die beplanning van ons kampe. Gaste is natuurlik nog altyd welkom, maar lede kry voorkeur, veral by funksies soos AJV en Jaarafsluiting.

Ons nuwe Rietvallei leuse – ons gaan nou braai en kamp!

Groete

Tjaart



## Rietvallei Bestuur 2013/14

### Voorsitter

Tjaart Klaasen 082 785 6895  
tjaartjk@absa.co.za

### Ondervoorsitter

Wayne Botha 083 6070928  
wayne@witklippies.co.za

### Penningmeester

Corné de Wagenaar 082 3350661  
corstiaan@telkomsa.net

### Sekretaris

Marietjie Klaasen 076 1078272  
mmklaasen@gmail.com

### Redakteur

Erna Koekemoer 082 324 3396  
koekeem@gmail.com

### Kampkoördineerder

Hans Koekemoer 082 5657896  
erhans@absamail.co.za

### Senior Burgerverteenwoordiger

Margriet van den Berg  
082 586 0480  
wavdberg@telkomsa.net

### Jeugverteenwoordiger (geen stemreg)

Denise Botha 083 607 0928  
wayne@witklippies.co.za

### SAWA Webblad:

www.sawa.org.za

## Inhoudsopgawe

- Rietvallei bestuur
- Redaksioneel
- Pitkos
- Lief en Leed
- Kampnuus
  - \* Hartbeeshoek - Mei
  - \* Smal Game Lodge – Junie
- Deur die kamera se lens
- Nuusbrokkies - NUB
- Senior Burgerhoekie
- Jeugnuus en –dinge
- Toekennings
- Verjaarsdae en herdenkings
- Van toeka se dae
- Knuppeldik
- Op ligte noot
- Kampprogram
- Adverteer

### Redaksie

Die winter het met mening toegeslaan maar dit keer ware kampeerders nie. Die woonwaens word net 'n bietjie swaarder gelaai met al die verwarmers en komberse ens en 'n lekker soet eetdingetjie wat hitte bring. Dan dink ons aan die bekende *Winternag* van Eugene Marais:

*O koud is die windjie en skraal, en blink in die doflië en kaal, so wyd as die Heer se genade, lê die velde in sterlig en skade. En hoog in die rande, versprei in die brande, is die grassaad aan roere soos winkende hande...*

Hierdie nuusbriëf is my laaste as redakteur van die Rietstok. Dit was vir my lekker om vir julle bietjie leesstof saam te flans. Vir diegene wat vir my bydraes aangestuur het, baie dankie en hou asb daarmee aan – glo my, ons wil juis graag nuus van ons lede plaas en dit kan net gebeur indien julle dit aanstuur.

Vir die nuusbriëfredakteur wat nou gaan oorneem, baie sterkte. Die bestuurspan is puik en ek weet jy gaan lekker met hul saamwerk. 😊

# Pitkos

## *Vrede midde-in die gejaagdheid*

*Die Here is my pasaangeër,  
niks sal my laat jaag nie.*

*Hy laat my vir kort rukkies tot rus kom en laaf  
my met herinneringe aan groen weivelde en  
waters waar daar vrede is. Hy herstel my  
kalmte van gees.*

*Hy gee my nuwe krag,*

*Hy lei my tot die regte keuses*

*deur my gemoed met vrede te vul.*

*Selfs al gaan ek elke dag deur die donker  
dieptes van onmoontlike*

*take en haastige beslissings, sal ek nie bang  
wees nie, want U is by my.*

*In u hande is ek veilig.*

*U tydloosheid en ewige arms onder my hou my  
in balans.*

*U laat my aansit by 'n feesmaal van  
vernuwende krag*

*te midde van die geharwar om my.*

*U ontvang my soos 'n eregas in die ruimte  
van u liefde.*

*U oorlaai my met hartlikheid ten spyte van die  
kilheid van spertye.*

*My beker van energie loop weer oor.*

*U goedheid en liefde sal my lewe lank by my bly.*

*Harmonie en werkbevrediging sal die vrug wees  
van my arbeid,*

*want ek volg die pas wat U aangee.*

*Ek sal tuis wees in u vrede te midde van die  
gejaagdheid van die wêreld*

*tot in lengte van dae.*

*Uit die Groot Gebedeboek*

## **Goeie Gesegdes en Lewenswaarhede**

1. Die beste manier om iemand "terug te kry" is om te vergewe
2. Voed jou geloof en jou twyfel sal sterf van die honger.
3. Tensy jy die hele skepping kan skep in 5 dae, is dit miskien nie so 'n goeie idee om vir God voor te skryf nie.

4. Suksesvolle huwelike is nie om die regte persoon te vind nie maar om die regte persoon te wees.
5. As die Gras groener is aan die ander kant van die draad, kan jy verseker wees die waterrekening is ook hoër.
6. Woede is 'n toestand waar die tong vinniger werk as die verstand.
7. Jy kan nie die verlede verander nie, maar jy kan die huidige ruïner deur te bekommer oor die toekoms.
8. God gee altyd Sy beste aan hulle wat die keuse aan Hom oorlaat.
9. Alle mense glimlag in dieselfde taal.
10. 'n Drukkie is 'n groot geskenk! "One size fits all"!
11. Almal verdien om bemin te word.... Veral hulle wat dit nie verdien nie.
12. Die werklike maatstaf vir 'n man se rykdom is wat hy belê het in die lewe hierna.
13. Elke een het skoonheid maar nie almal sien dit nie.
14. Dank God vir wat jy het en VERTROU HOM vir wat jy benodig.
15. Indien jy jou hart vul met verwyte oor gister en bekommernisse van môre, het jy geen vandag om voor dankbaar te wees nie.
16. Indien iemand iets slegs van jou sê, leef so dat niemand dit glo nie.
17. Geduld is die vermoë om jou "engine te laat idle" terwyl jy voel jy wil jou "gears strip".
18. Harde woorde breek nie bene nie maar wel harte.
19. Liefde word versterk deur saam deur konflik te werk.
20. Om uit die moeilikheid te kom, moet mens gewoonlik daardeur.
21. Ons neem as vanselfsprekend aan die dinge waarvoor ons moet dankie sê.
22. Liefde is die enigste ding wat verdeel kan word sonder dat dit minder word.
23. Neem tyd om te lag want dit is die musiek van die siel.
24. Karakter word getoets deur voorregte, hoe meer voorregte iemand geniet, hoe beter kan jy sien wié hy werklik aan die binnekant is.

## Lief ...

- Wimpie Marais het goed herstel na haar skoueroperasie.

## en leed

- Pieter en Elmarie le Roux het lief en leed aangaande beide moeders. Pieter se ma, Ria le Roux (85j,) het geval en haar arm gebreek. Sy was opgeneem in 'n kliniek / sorgsentrum en het ons gebede nodig. Elmarie se ma het intussen goed herstel na haar operasie.
- Lulu Kleynhans het 'n heupvervangingsoperasie ondergaan. Baie sterkte met die herstelproses.
- Alida Venter herstel na haar knie operasie en sterkte word haar toegewens.
- Jacques Marnewick ondervind probleme met 'n rugbesering. Ons vertrou dit word gou beter.
- Gideon en Helena se ma was in hul huis aangerand en het ernstige beserings opgedoen. Sy is weer na behandeling ontslaan en dit het gebeur terwyl hul pa herstel na 'n knievervangingsoperasie.
- Willem Kruger se ouma is baie siek en ons dink ook aan hulle in ons gebede.
- Annatjie Maritz het 'n skoueroperasie ondergaan – Baie sterkte en vertrou dat jy sal gou herstel.
- Dries Engelbrecht is geopereer vir 'n mantelvliesbreuk. Ons vertrou jy herstel gou.

## Nuusbrokkies Rietvallei

- Ons lede word herinner om Saterdag 20 September te memoriseer – ons groot lentefees gaan plaasvind ten einde fondse in te samel vir ons 10de verjaarsdagviering in 2016. Die beplanning is al reeds baie goed op dreef, danksy Sonja en haar span, en een en almal se heelhartige samewerking word gevra om van hierdie dag, een van ons hoogtepunte van die jaar te maak. Dit gaan 'n pretdag wees met stalletjies, speletjies, potjiekoskompetisie en 'n lekker mandjie/'cooler box' dans. Die geleentheid sal plaasvind by die Swartkop Lapa in Centurion.
- Horison Sorgsentrum is ook weer op Rietvallei se gemeenskapsuitreikprogram. Verdere opgradering en herstelwerk word weer beplan en van ons lede het alreeds skenkings gemaak en word versoek om weer, soos in die verlede, hul ondersteuning aan hierdie belangrike saak te verleen in die vorm van skenkings van voorraad, donasies, geselsies en dies meer.
- Rietvallei se amptelike derde toer is beplan en toerlede vertrek 21 Julie vanaf Pretoria na Swaziland en sluit dan af op 14 Augustus te Bass Lake waar die AJV plaasvind. Dit is onder leiding van Neels en Rina de Klerk asook Wim en Margriet vd Berg.
- Neels de Klerk beplan 'n Namibië-toer gedurende 2015 en lede kan dit dalk in gedagte hou vir hul beplanning vir volgende jaar.
- In opvolg van 'n baie suksesvolle besoek aan die Jurgens fabriek is daar weer 'n besoek beplan en hierdie keer na Coke en Cadbury se fabriek in Olifantsfontein einde Augustus. Belangstellendes kan dit gerus in gedagte hou.

Die volgende lede het hul bedankings ingedien as lede van Rietvallei:

- Willem en Marnette van Rensburg. Hul sal egter nog van tyd tot tyd as dagbesoekers saam kom kuier.

Ons verwelkom die volgende nuwe lede:

- Gert en Eleanor Von Benecke

# Nuusbrokkies SAWA

## Hoe SAWA in 1969 tot stand gekom het

Op 26 Julie 1969 het veertien persone (dertien mans en een vrou) 'n vergadering in Nigel gehou. Na lang en ernstige besprekings en die oorweging van verskeie opsies het die vergadering besluit om oor te gaan "tot die stigting van 'n Afrikaans-georiënteerde woonwa-vereniging". 'n Tussentydse komitee is aangewys met as eerste opdragte onder andere die opstel van 'n grondwet en die verkryging van 'n naam vir die nuwe vereniging. 'n Stigtings-vergadering sou by 'n saamtrek van 10 tot 12 Oktober 1969 te Murraypark, Springs plaasvind.

Die grootste en belangrikste werk wat vir die komitee voorgelê het, was sekerlik die opstel van 'n behoorlike grondwet vir die beplande vereniging.

Die stigterskomitee het op Vrydag 10 Oktober by die stigting-saamtrek vergader. Die konsep grondwet is voorgelê en met enkele wysigings aanvaar. 'n Voorstel dat die stigtings-vergadering met gebed geopen sal word, is ook aanvaar. So is 'n gebruik gevestig wat na meer as 40 jaar nog steeds in SAWA gevolg word, alle vergaderings word met 'n gebed geopen.

'n Lid van die tussentydse komitee het voorgestel dat die vereniging die **Suid-Afrikaanse Woonwa-Assosiasie** genoem word, onder andere omdat dit lekker afkort: **SAWA**.

Op Saterdag 11 Oktober is die stigtings-vergadering gehou. Al die voorstelle van die tussentydse komitee is aanvaar. So het SAWA op Saterdag 11 Oktober 1969 tot stand gekom. SAWA se kenteken is op 20 November 1969 saamgestel. Die sentrale motief is 'n Brockhouse sleepstang en 'n sleepbal.


Dat die manne en vroue in 1969 deeglik besin het, word na 40 jaar bevestig deurdat beginsels en gebruike wat toentertyd daargestel is, vandag nog in SAWA gevestig is.

## SAWA Nuus

- Die Nasionale saamtrek vind op 19/20/21 September plaas by Koppisol. Tarief vir die naweek beloop R400,00 per woonwa vir 4 persone en 'n Seniorburger tarief van R280,00 per woonwa vir 2 persone, sou daar 'n derde persoon saamgaan tel die gewone tarief. Die moontlikheid word ook ondersoek om die "Sleep akademie" tydens die naweek aan te bied. Inligting sal volg.
- Lootjieboekies is weer aan elke streek gestuur. Dagbestuur vra dat die projek ondersteun sal word. Die eerste prys is 'n "42" Platskerm LED TV" met 'n Ysmaker en Digitale kamera as die tweede en derde pryse onderskeidelik. Die koste beloop R20,00 per lootjie.
- Lede word weer gevra om daarop te let om nie ou SAWA klere of embleme in verkeerde hande te laat kom nie. Dit kan die beeld van SAWA beskadig indien dit deur nie-SAWA lede gebruik word.
- Lede word ook daaraan herinner om seker te maak dat die sleepvoertuig se haak vas is en nie 'n gewig dra op die bal wat meer is as die spesifikasie nie.
- Lede word daarop gewys dat hulle 15% afslag kan kry by die koop van goedere by Hi-tec winkels. Gebruik die kode SAWA14.
- Nuwe lede by Rietvallei is altyd welkom. Gert en Eleanor von Benecke het aangesluit en ons heet hul welkom by ons vriendelike streek.

# Deur die kamera se lens:

Tydens ons kampe is dit opmerklik dat daar heelwat lede is wat met eindelose geduld in die lang gras lê en wag, wat bome bekruipe en van allerhande kante afneem. Hieronder is 'n klompie uitstaande fotos van ons ywerige fotograwe.



Oupa en kleinseuns – Inge Gazendam



Hartbeeshoek – Elize van der Berg



Hierdie besondere foto van die Rooibek-neushoringvoël asook die skoelapper is geneem deur Diana Fourie



Die pragtige sonsondergang asook die rooibokkies is geneem deur Marietjie Klaasen



# Kampnuus

## Hartbeeshoek

Seniors 19-22 Mei  
Streek 23-24 Mei

Dit is Vrydagmiddag – die tyd het uiteindelik aangebreek. Dankie tog dit is naweek – tyd vir woonwa aanhaak en sleep na ons eindbestemming...in die hartjie van die bosveld - Hartbeeshoek. Wat 'n voorreg is dit nie .... aangekom, afgehaak, gegroet en nou is dit amptelik kamptyd – 48 uur se ontspanning, lekker kuier, geselsies inhaal en moenie van die grappie-uitruiling vergeet nie.

Vrydagaand is vetkoek en maaltjies voorberei en verkoop en dit was 'n reuse sukses. Boekevat was gehou en nou - almal se magies was vol en het gaan inkruip, warm en knus teen die winterkoue wat besig is om ons te bekrui.

Saterdagoggend het aangebreek en lekker om te sien hoe almal ontwaak – een na die ander woonwadeur word geopen – die dag word met durf aangepak. Almal kuier oor en weer – die oumense van dae(?) word getrakteer in Rietvallei se eie teetuin. Wat 'n bederf. Aan die werkende klas wat hul tyd so omwens, byt vas, een van die dae is dit ons beurt om te sê – 'nou is dit pensioentyd' - dan sal ons ophou verjaar en die kampelewe sommer al in die middel van die week begin geniet.



Saterdagoggend so teen laat skemer is braaivleisvure aangesteek. Die kostafels het weer gekreun onder al die lekkernye en bykosse wat voorberei was. Oudergewoonte was daar weer Boekevat en daarna was daar lekker bederfie in die vorm van 'n glasie Old Brown Sherry . Hierna het dié gekuier wat wou kuier en diegene wat wou gaan inkruip moes maar aanhoor hoe lekker Rietvalleiers kan saamkuier en saamlag. Wat 'n fees! Teen 23:00 op Saterdag was dit amptelik stiltetyd in die oord.

Sommer vroeg Sondagoggend begin die haastiges om tente af te slaan – ander sit lui-lui agteroor terwyl hul ontbyt geniet en dan is dit tyd vir ons gebruiklike bymeekaarkom vir 'n besondere Boodskap deur Jacques Fourie. Tjaart hanteer die afsluiting met afkondigings, oorhandiging van toekennings en Neels de Klerk sorg vir oulaas vir die lagtrane met sy baie humoristiese voorlesing. Oudergewoonte word koek en tee voorgesit en weereens 'n laaste lekker kuier voordat almal se paaië weer skei - tot 'n volgende keer.

# Smal Game Lodge ~ 13-16 Junie

Wat 'n ervaring, hierdie langwinternaweek. As jul onthou, so 2 jaarafsluitings terug het ek 'n nuwe Rietvallei woord bekend gestel, **Kampja**, en ja ons het dit die naweek gestand gedoen! Ons het GEKAMP, in die bos tussen die wild en dit op 'n plaas, sonder enige steurings ens.

Vrydagoggend 06:00 toe Marietjie en ek wegtrek, toe is die meter al op 2grade, maar diè meter het gou gedaal en weer gestyg na so 9.

Met ons aankoms by Smal Game Lodge was ons weereens verbaas oor die netheid en presiesheid van die plaasoord, heinings, geplaveide paadjies, skoon grasperke en ablusies.

Net na ons opgeslaan en ontbyt genuttig het, het die eerste waens ingetrek en so het Jak en Jacqui Wagenaar met hul gaste ook begin opdaag. Jak het 'n groepie van hul Kerkgroep, die Valley Campers, saamgebring en aan SAWA bekend gestel. Hierdie 5 gesinne het heerlik "ingesmelt" en aan al ons aktiwiteite deelgeneem. Dankie daarvoor Valley Campers!

Vrydagaand is daar Boekevat gehou deur Zelda, een van ons Valley Camper gaste, waarna daar saam gedrom is om die 2 kampvure en land en sand gesels, terwyl boontjiesop, brood en sjerrie sy ding gedoen het. Die koue het niemand afgeskrik nie en daar is tot laat gekuier om die vure – askuus, Ben en Alta het vroeg gaan inkruip, glo wel koud gekry!

Saterdagoggend is daar traag uit die vere gekruip, terwyl sommiges al die veld ingeslaan het om te voet die wild en natuur te gaan opsoek. wat dan ook deur 'n paar van ons gedoen is. Verder is daar rustig gekuier en hout aangedra in voorbereiding van die aand se saambraai. Jak het vir ons 'n uitstappie gereël na Groot Marico, waar so 9 van ons op 'n plaas besoek afgelê het om te leer van mampoer stook, op die tradisionele manier. Hier was ook koekies, konfyte en verskeie liquors te koop aangebied. O ja, ook vars suurlemoene is gepluk en deur van ons lede geniet, met hul eie knipmes.



Saterdagmiddag laat is daar in die boma Boekevat gehou deur 2 van ons Rietvalleiers, waarna almal die vure geniet het. Een van die Valley Campers, Shaun, het homself aangestel as Vuurmeester, wat my werk vergemaklik het en kon selfs ek rustig braai en kuier! Hier was nou werklik enigiets op die roosters, verskeie vleise, wors, groentes soos mielies en aartappels en ek dink daar was erens 'n bak slaai en pot pap ook. Die nagereg was nie eintlik sigbaar nie, ek dink dit was net Inge wat braaf genoeg was om haar gesin te trakteeer, maar Gideon en Helena het 'n uithaleresep onthul met 'n warm drankie van brandewyn, Bar-one, room en melk. Dit maak enige tyd die keel skoon maar wees gewaarsku, hy is warm want hy word op die vuur in 'n blikbeker gemaak!

Sondagoggend het almal op die dek met sy mooi uitsig, bymekaar gekom en die wonderlike Skepping bewonder terwyl Jak vir ons 'n baie spesiale Vadersdag boodskap gebring het. Die naweek is reeds Sondag afgesluit met die normale afkondigings en uitdeel van plaatjies en so is daar verder rustig verkeer. Party het Sondagmiddag buurman braai gehou, ander het formele Sondagmiddagete gehou met gebraaide hoenders, groente en nagereg, terwyl ander verkies het om eers die aand 'n vuur aan te steek en hul vleisie gaar te maak.



Maandagoggend het sommige se tentpale al vroeg-vroeg geval terwyl ander teen 15:00 eers begin het om die lang pad huistoe aan te durf.

Ongelukkig was die naweek nie sonder teëspoed nie en moes Albert Gazendam Sondagmiddag en -aand saam met klein Lourens in Rustenburg se hospitaal deurbring nadat die klein ywerige fietsryertjie met 'n muur gebots het. Hy is Maandag oggend ontslaan na verskeie steke en toetse en het kom verder kamp, sonder 'n fiets maar met 'n breë glimlag!

So is Frik en Marie Coetsee, ons Rietvallei gaste, ook veilig nadat hul woonwaband gebars het op pad terug. Gelukkig het Willem en Leona hul te hulp gesnel en kon hul weer verder ry.

Almal was dit eens, al is die oord so 30km of wat verder as wat ons gewoonlik ry, was hierdie plaaskamp 'n heerlike belewenis met hoëstaande kwaliteit teen 'n baie billike tarief, en dit vir 'n langnaweek. Baie dankie Jan en Jeanette dat jul ons so vriendelik ontvang het op jul plaas.



# Senior Burgerhoekie

*Elsette Jacobs het die volgende te sê oor die Senior-week te Hartbeeshoek*

Wat 'n belewenis! Een van die lekkerste week / naweek kampe wat ons in 'n lang tyd beleef het.

Op Maandag 19 Mei het 6 waens gedurende die oggend gearriveer en deur die dag het nog twee by hulle aangesluit. Sommer met die intrapslag is die heerlikste soetgoed uitgehaal en het die fees begin. Dinsdagoggend het ons amptelik Elize se verjaarsdag gevier, met natuurlik meer heerlike eetgoed en vir middagete het Tersia vir almal vetkoek en maaltvleis voorgesit. Die aand is heerlik gesmul aan 'n snoek wat Fanie vir ons op die vuur gebraai het. Woensdagoggend het nog twee waens hulle opwagting gemaak en is daar pannekoek gebak en gathoenders (op blikkies) gaargemaak en almal het heerlik saamgesmul. Donderdag is Ben se verjaarsdag behoorlik gevier en nog was dit het einde niet want Vrydag het daar nog soetgoed uit die waens gekom.

Mel was die grapmaker van die week met sy "Halls van die Mall" waardeur hy onder almal se gespot deurgeloopt het die week en daar is soveel gelag dat die trane behoorlik gerol het. Na al die ryk en lekker geëet het die maagspiere oortyd gewerk om bietjie van die kilojoules te verbrand.

Elke oggend het ons almal lekker gestap tussen die kameelperde en zebras waar Jake weer ons bron van veld / boom/ diere kennis was. Dankie Jake dit is altyd interessant om na jou te luister.

Saans was Neels en Rina se tent ons veilige hawe teen die koue en is daar gesels asof ons mekaar jare laas gesien het. Dankie vir jou tent Neels, sonder dit sou die kamp nie naastenby so lekker gewees het nie.


Dit was lekker om Vrydag weer ons jonger kampvriende te kon verwelkom. Baie dankie aan almal wat gehelp het om Saterdagoggend se Senior-bederf 'n reuse sukses te maak. Wat 'n verandering om so bedien te word - ons is dit nie gewoond by 'n kamp nie. Nogmaals dankie daarvoor.

Jacques dankie vir Sondag se uitstekende boodskap waaroor nog lank nagedink sal word.



Soos gemeld in Tjaart se verslag begin Rietvallei se 3de toer, ter name die SENIORBURGER STREEKTOER - SWAZULU NATUURROETE op 21 Julie en eindig 17 Augustus 2014. Die roete gaan wees vanaf Pretoria, Badplaas, Swaziland, St. Lucia (Kwa-Zulu Natal) en dan afsluit te Bass Lake Pretoria in afwagting van ons Streek AJV. Ons sal graag in ons volgende Rietstok al hul wedervaringe tydens hul toer plaas.

En ter afsluiting:



## Jeugnuus en -dinge

Ons kinders is gelukkig om dikwels tydens naweke te gaan kamp en die rit kan soms 'n bietjie lank raak. Hieronder 'n voorstel om die aandag 'n bietjie af te lei en die tyd gou om te kry.

### KARKRIEKET

Elkeen in die motor kry 'n kans om te kolf. Om punte aan te teken, tel julle die waardes bymekaar van die voertuie waarby julle verbyry. Die puntetelling werk so:

**Motor** 1 lopies

**Motor met 'n sleepwaentjie** 2 lopies

**Bus of vragmotor** 4 lopies

**Karavaan** 6 lopies

Die kolwer hou aan kolf tot 'n rooi motor verbykom, en dan is hy uit en kry die volgende kolwer 'n beurt. Sodra iemand 100 lopies het, is die speletjie verby.

**Variasie** Laat elke speler 'n motorkleur kies. As jy jou kleur sien, kry jy 'n punt. Sodra jy 'n karavaan of sleepwaentjie sien, verloor jy 'n punt. Polisiemotors, brandweerwaens en ambulanse tel elkeen 5 punte.

Om die langpad nog korter te maak is ietsie om te eet net so lekker. Help vir mamma om die volgende kolwyntjies te maak:

### AARBEI-EN-WITSJOKOLADE-KOLWYNTJIES

- 500 ml (2 k) meel
- 125 ml (½ k) ligbruinsuiker
- 1 ml (¼ t) sout
- 15 ml (1 e) bakpoeier
- 180 ml (¾ k) melk
- 3 groot eiers
- 120 ml (net minder as ½ k) sonneblomolie
- 250 g aarbeie, gekap
- 100 g witsjokolade, gekap



Voorverhit die oond tot 190 °C en smeer 'n kolwyntjiepan of voer dit uit met papierbekertjies.

- 1 Meng die droë bestanddele in 'n groot bak.
- 2 Meng die melk, eiers en olie in 'n aparte bak en vou by die meelmengsel in.
- 3 Voeg die aarbeie en witsjokolade by.
- 4 Verdeel die beslag eweredig tussen die kolwyntjieholtes tot elke holte sowat driekwart vol is. Bak ongeveer 15 minute.

No 1

	1	7		2		5	6	
				3				
				7	1		2	4
5		6					7	
			6					
					9			8
	3			1				
		4	2		7		1	
9						4		

No 2

		3	4	7				
				9			2	
								5
2		5		8		9		7
	6		9			3		
1						2		
9			1			5	6	
							7	
	8		6					9

Oplossing op bladsy 18



**SMS in die ou dae...**



**SMS vandag...**

# Rietvallei toekennings

Bywoningsplaatjies toegeken aan lede:

Lede	Streek	Algemeen
Willem en Sonja de Jongh	30	
Jake en Ina Erasmus	10	
Hennie en Annemarie Engelbrecht		175

## Verjaarsdae

April	Mei	Junie
Devan Marneweck	Anria Kahts	Annatjie Maritz
Elsabe Grobler	Ben van Eeden	Ettienne de Klerk
Fritz Crous	Charne Botha	Johan de Jongh
Ina Erasmus	Chris Delport	Linda van Vuuren
Jaco van den Berg	Elize van der Berg	Dries Engelbrecht
Johann Grobler	Elsette Jacobs	
Larine van den Berg	Ingrid Maas	
Lucille van den Berg	Nellie Stander	
Marcelle van den Berg	Reinier vd Berg	
Marietjie Klaasen	Wayne Botha	
Mynhardt Marais		
Richard Botha		

## Herdenkings

April	Mei	Junie
Albert & Inge Gazendam	Sieg & Annatjie Maritz	Jacques & Mariana Marneweck
	Pieter & Magdaleen Viljoen	
	Fanie & Elsette Jacobs	
	Mel & Lettie Ueckermann	

# Van toeka se tyd

70 JAAR GELEDE *Landbouweekblad 8 Maart 1944*

## MOENIES VIR DAMES

Moenie...

- Op straat rook nie.
- Gedurig sonder end praat nie.
- Voor 'n man uitloop in 'n kafee, bioskoop of teater nie.
- Vergeet om altyd aan u man se regterkant te loop nie.
- U man se korrespondensie oopmaak nie.
- U man se papiere op sy skryftafel rondskuif nie.
- Ontevrede wees en daarvoor lol as u man meen 'n artikel is te duur nie.
- U man en sy foute met familie en vriende bespreek nie.
- U man laat wag vir ete as hy by die huis kom en dit etenstyd is nie.
- Oor u kinders spog nie.
- U kinders vir ander mense laat resiteer of liedjies sing nie.
- Met u bediende voor u man of ander mense raas nie.
- Dink dit is verkeerd om met handskoene aan te groet nie, dit is heeltemal reg.
- Wanneer u op 'n nuwe plek aankom, die mense gaan besoek voordat hulle u besoek het nie.
- Langer as drie weke wag om na mense toe te gaan nadat hulle u besoek het nie.
- As u 'n weduwee is u eie naam, bv. mev. Hester Brand, op u besoekerskaartjies laat druk nie – u gaan steeds onder u man se naam, bv. mev. Jan Brand.



## LIFE IN THE 1500'S

The next time you are washing your hands and complain because the water temperature isn't just how you like it, think about how things used to be. Here are some facts about the 1500s:

\* Most people got married in June because they took their yearly bath in May, and still smelled pretty good by June. However, they were starting to smell, so brides carried a bouquet of flowers to hide the body odour. Hence the custom today of carrying a bouquet when getting married.

\* Baths consisted of a big tub filled with hot water. The man of the house had the privilege of the nice clean water, then all the other sons and men, then the women and finally the children. Last of all the babies. By then the water was so dirty you could actually lose someone in it. Hence the saying, Don't throw the baby out with the bath water.



\* There was nothing to stop things from falling into the house.. This posed a real problem in the bedroom where bugs and other droppings could mess up your nice clean bed. Hence, a bed with big posts and a sheet hung over the top afforded some protection. That's how canopy beds came into existence.

\* The floor was dirt. Only the wealthy had something other than dirt. Hence the saying, Dirt poor. The wealthy had slate floors that would get slippery in the winter when wet, so they spread thresh (straw) on floor to help keep their footing. As the winter wore on, they added more thresh until, when you opened the door, it would all start slipping outside. A piece of wood was placed in the entranceway. Hence the saying a threshold.

\* In those old days, they cooked in the kitchen with a big kettle that always hung over the fire. Every day they lit the fire and added things to the pot. They ate mostly vegetables and did not get much meat.. They would eat the stew for dinner, leaving leftovers in the pot to get cold overnight and then start over the next day. Sometimes stew had food in it that had been there for quite a while. Hence the rhyme, Peas porridge hot, peas porridge cold, peas porridge in the pot nine days old.

\* Sometimes they could obtain pork, which made them feel quite special. When visitors came over, they would hang up their bacon to show off. It was a sign of wealth that a man could, bring home the bacon. They would cut off a little to share with guests and would all sit around and chew the fat.

\* Those with money had plates made of pewter. Food with high acid content caused some of the lead to leach onto the food, causing lead poisoning death. This happened most often with tomatoes, so for the next 400 years or so, tomatoes were considered poisonous.

Bread was divided according to status. Workers got the burnt bottom of the loaf, the family got the middle, and guests got the top, or the upper crust.

\* Lead cups were used to drink ale or whisky. The combination would sometimes knock the imbibers out for a couple of days. Someone walking along the road would take them for dead and prepare them for burial. They were laid out on the kitchen table for a couple of days and the family would gather around and eat and drink and wait and see if they would wake up. Hence the custom of holding a wake.

\* England is old and small and the local folks started running out of places to bury people. So they would dig up coffins and would take the bones to a bone-house, and reuse the grave. When reopening these coffins, 1 out of 25 coffins were found to have scratch marks on the inside and they realized they had been burying people alive. So they would tie a string on the wrist of the corpse, lead it through the coffin and up through the ground and tie it to a bell. Someone would have to sit out in the graveyard all night (the graveyard shift.) to listen for the bell; thus, someone could be, saved by the bell or was considered a ...dead ringer.

\* Houses had thatched roofs-thick straw-piled high, with no wood underneath. It was the only place for animals to get warm, so all the cats and other small animals (mice, bugs) lived in the roof When it rained it became slippery and sometimes the animals would slip and fall off the roof. Hence the saying. It's raining cats and dogs.

**And that's the truth. Now, whoever said History was boring !!!**

# Knuppeldik

## Aartappel Sop

### Bestanddele:

6 Medium aartappels	250 ml kookwater
3 Repe spekvleis	250 room
2 Uie	5 ml sout
25 ml Pietersielie fyn gekap	

### Metode:

Snipper die spek en kap die uie ook fyn en braai saam met spek. Hou eenkant in pan.

Voeg aartappels wat in blokkies gesny is in kookwater. Voeg sout, peper by.

Prut tot die aartappels sag is.

Skep aartappels met 'n 'lepel met gaatjies' oor in die uiemengsel in.

Hou water in pot, gooi room by en kook nog vir n verdere 5 min. Verlaag hitte anders kook dit oor.

Gebruik drukker of 'smasher' om aartappelmengsel lekker fyn te druk.

Gooi oor in roomsous en kook vir 5 -10 minute.

Strooi die fyngekapte pietersielie oor.

Lekker naweekkos – haal die jaffelpan uit!

## Jaffels met hoender en pynappel

1l water

1½ hoenderaftrekselblokkie

4 hoenderborsies

2 gekapte uie

3e ligte bruinsuiker

1 blik (440g) pynappelstukkies gedreineer

1½ k mozzarellakaas gerasper

Sout en peper

Knypie droë kruie

16 snye brood

- Verhit water en hoenderaftreksel tot kookpunt, kook hoenderborsies daarin tot gaar, ±20 min. Vlok dan die hoender.
- Soteer uie tot sag, voeg bruinsuiker by en laat prut oor lae hitte vir 5 min tot uie en suiker gekarameliseer is.
- Meng hoender, pynappelstukkies, kaas, sout en peper en kruie.
- Smeer brood aan albei kante met botter/margarinen.
- Smeer 8 snye brood met gekarameliseerde uie en verdeel hoendermengsel tussen gesnyde brood. Plaas vulsel net in die middel.
- Plaas ander gesmeerde snye brood bo-op.
- Braai in jaffelpan vir 4 minute aan albei kante tot gerooster.

### Variasie:

Meng die volgende saam: Gebraaide, gekapte ui, knoffel, droë gemengde kruie, gebraaide spekstukkies, gaar maalvleis, gekapte tamaties gemeng met tamatiepasta, blatjang en sout en peper. Hoeveelhede kan wissel na gelang van aantal persone.



Dan vir die nagereg (maak by die huis en pak in die woonwa):

**Broodpoeding in 'n bottel**

1 witbrood, korsies afgesny

60 ml (¼ k) botter, gesmelt

500 ml (2 k) vars of bevrore bessies

2 Bar-One-sjokolades, in skyfies gesny

Voorverhit die oond tot 180 °C.

**VLA:** 500 ml melk

4 eiers

125 ml suiker

Sout en peper

Verf die snye brood aan weerskante met die botter. Druk twee snye brood in twee groot of vier klein flesses. Besprinkel met 'n paar bessies en sjokoladeskyfies, druk weer twee snye brood bo-op en herhaal met die res van die bestanddele. Eindig met die bessies en sjokolade.

**Vla:** Klits al die bestanddele en giet versigtig oor die broodpoedings. Maak vol tot die brood al die vlamengsel opgesuig het. Maak 'n oondbak halfvol met kookwater, plaas die flesses versigtig daarin en bak 35-40 minute of tot die vla stol.

-----ooOoo-----

# Kampprogram Julie-Des '14

## Julie

S M T W T F S

25 – 27

**Voorsittersnaweek  
(oord sal bevestig word)**

## Augustus

S M T W T F S

15 – 17

**Bass Lake  
(AJV)**

## September

S M T W T F S

17 – 18

19 – 21

**Nasionale Saamtrek  
26 – 28  
Silver Rocks (Bela Bela)**

## Oktober

S M T W T F S

24 – 26

**Drie Berge Brits**

## November

S M T W T F S

14 – 16

**Afsluiting  
Klein Paradys**

## Desember

S M T W T F S

**Skoolvakansie  
Geen kampe**

Oplossing No 1

4	1	7	9	2	8	5	6	3
2	8	5	4	3	6	7	9	1
3	6	9	5	7	1	8	2	4
5	4	6	1	8	3	2	7	9
7	9	8	6	4	2	1	3	5
1	2	3	7	5	9	6	4	8
6	3	2	8	1	4	9	5	7
8	5	4	2	9	7	3	1	6
9	7	1	3	6	5	4	8	2

Oplossing No 2

6	2	3	4	7	5	8	9	1
4	5	7	8	9	1	6	2	3
8	9	1	2	6	3	7	4	5
2	4	5	3	8	6	9	1	7
7	6	8	9	1	2	3	5	4
1	3	9	7	5	4	2	8	6
9	7	4	1	3	8	5	6	2
3	1	6	5	2	9	4	7	8
5	8	2	6	4	7	1	3	9

# Adverteer

## Qualisame Thermo Flasks



500ml @ R 150.00 elk

700ml @ R 180.00 elk

**083 538 8021 - Lynette**

**083 654 6549 - Tinus**



*Bring die advertensie saam en kry 'n gratis naam opgegraveer*

### Caravans/Woonwaens @ Montana

BREEDSTAAT MONTANA PARK

Sel: WILLIE 0827223925 / WIMPIE: 0769309634

RITA (TENTE) 0826514774

E-mail: [willie@zawireless.co.za](mailto:willie@zawireless.co.za)

Webtuiste: [www.caravans-montana](http://www.caravans-montana)

**VERKOPE  
TENT HERSTELWERK**

**DIENS**

**HERSTELWERK**

• **VERKOPE VAN SKOON GEBUIKTE WOONWAENS**

Ons het altyd voorraad van topgehalte gebruikte woonwaens. Alle waens deur ons verkoop ondergaan 'n A – Z ondersoek en word volledig gediens en geseël en dra 'n 6 maande waarborg

• **IS JOU WOONWA TE KOOP – LAAT ONS DIT NAMENS JOU BEMARK**

• **VERSIENING VAN WOONWAENS**

Ons doen roefine dienste op woonwaens – was en poleer- diens van hoekstutte-koppelstang-wiellaers en nog baie meer

• **HERSTEL EN VERANDERINGS AAN WOONWAENS**

Ons verrig 'n wye verskeidenheid van herstelwerk aan woonwaens soos houtrot, haelskade ens. asook herstelwerk vir al die versekeringsmaatskappye. Ons bou ook LUGVERSORGERS EN ELEKTRIESE YSKASTE in

• **TENT HERSTELWERK**

Herstelwerk aan tente en seile, vervanging van ritsluiters en gaas ens. Maak van

nuwe tente, Rally tente, sykante, pale en tentsakke asook spesiale pennesakke ens. Ons doen ook weerkaats seile van versterkte materiaal

**KLIENTE DIENS IS ONS LEUSE**

